



Broj: 50-10/17

Sarajevo, 27.09.2017. godine

Na osnovu člana 18. Zakona o udruženjima i fondacijama ("Službene novine Federacije BiH", broj: 45/02) i člana 34. Statuta Udruženja „Sindikata Univerziteta u Sarajevu“, Skupština "Sindikata Univerziteta u Sarajevu", na sjednici održanoj 27. septembra 2017. godine, donijela je

## **ODLUKU**

### **o izmjenama i dopunama Statuta Udruženja „Sindikata Univerziteta u Sarajevu“**

#### **Član 1.**

U Statutu Udruženja „Sindikata Univerziteta u Sarajevu“, koji je ovjeren od strane Ministarstva pravde i uprave Kantona Sarajevo, broj: 03-05-05-18570/06 od 27.12.2016. godine, član 2. stav 2. mijenja se i glasi: „Skrraćeni naziv udruženja je: SUNSA“.

#### **Član 2.**

Briše se stav IV, člana 19.

#### **Član 3.**

Član 22. mijenja se i glasi: „Sindikalna organizacija je osnovni oblik organizovanja članstva u SUNSA. Članstvo svoje aktivnosti kao član SUNSA ostvaruje u okviru Osnovne organizacije sindikata na fakultetu ili akademiji, a koje su sastavni dio jedinstvene organizacije SUNSA.“.

#### **Član 4.**

Član 23., mijenja se i glasi: „SUNSA se sastoji od Osnovnih organizacija sindikata na fakultetima, akademijama institutima i drugim oblicima organizovanja u sklopu Univerziteta u Sarajevu.“.

#### **Član 5.**

Član 28., stav 2. mijenja se i glasi: „Skupština se održava u pravilu svake četvrte godine, a saziva je Centralni odbor SUNSA.“.

Mijenja se stav 4. istog člana, i glasi: „Broj delegata u Skupštini SUNSA se određuje po sljedećem kriterijumu:

1. Na svakih dvadeset članova SUNSA dolazi po jedan delegat.
2. Ako Osnovna organizacija sindikat ima manje od dvadeset članova, ona delegira jednog delegate.
3. Ako broj članova Osnovne organizacije sindikata se podijeli sa dvadeset i ostatak bude deset i više, ta organizacija zaokružuje broj delegate za prvi veći cijeli broj.“.

#### **Član 6.**

U članu 29. stav 1, umjesto „... najmanje 15 dana...“, treba da stoji „...najmanje 10 dana...“, te u stavu 2, umjesto „... najmanje tri sedmice...“, treba da stoji „...najmanje jednu sedmicu...“.



Član 7.

Član 35., stav 1. mijenja se i glasi: „Centralni odbor čine po jedan član ispred svake Osnovne organizacije sindikata.“

Član 8.

U članu 37. stav 1, umjesto „... jednom u šest mjeseci...“, treba da stoji „...jednom u dva mjeseca...“.

Član 9.

Član 38. mijenja se i glasi: „Sjednicama Centralnog odbora predsjedava i rukovodi predsjednik Sindikata, a u njegovoj odsutnosti zamjenik predsjednika Centralnog odbora. Centralni odbor ima sekretara. Sekretar nije član Centralnog odbora. Djelokrug poslova i ovlaštenja sekretara utvrđuju se Poslovníkom o radu Centralnog odbora.“

Član 10.

U članu 39., umjesto „imenuje generalnog sekretara Centralnog odbora“, treba da stoji: „imenuje Sekretara Centralnog odbora“, te se dodaje stav 2, koji glasi: „U slučaju da rukovodstvo Osnovne organizacije u jednom dužem periodu nije aktivno i ne saraduje sa Centralnim odborom SUNSA, Centralni odbor ima pravo da zakaže vanredni sastanak te Osnovne organizacije i predloži izbor novog rukovodstva.“

Član 11.

Član 40. se mijenja i glasi: „Centralni odbor ima Izvršni savjet od pet članova. Izvršni savjet Sindikata je izvršni organ Centralnog odbora, čiji se članovi biraju iz sastava Centralnog odbora. Izvršni savjet obavlja poslove koje mu svojim poslovnikom o radu i odlukom o obrazovanju odredi Centralni odbor.“

Član 12.

Briše se član 41., tako da član 42. prelazi u član 41. i tako redom.

Član 13.

Član 57., stav 1. se mijenja i glasi: „Prihodi od članarine koja iznosi 0,5 posto od neto plaće zaposlenog člana SUNSA i 0,25 posto od penzije penzionisanih članova Sindikata raspoređuju na način da od prikupljene članarine, Sindikalnoj organizaciji pripada 70 posto, a Centralnom odboru pripada 30 posto.

Članarina iz prethodnog stava prikuplja se putem platne liste, odnosno institucije u kojoj je zaposlen član Sindikata, i to uplatom pripadajućeg dijela članarine na račun Sindikalne organizacije, odnosno žiro-račun SUNSA. Odnosi u izloženom smislu reguliraju se Kolektivnim ugovorom između poslodavaca i Sindikata. Centralni odbor može utvrđivati i drukčiji način raspodjele sredstava kada je to uvjetovano višim interesima i ciljevima SUNSA. Članarina se plaća mjesečno po primitku plaće članova SUNSA i o tome se vodi uredna evidencija.“

Član 14.

Naslov poglavlja IX se mijenja i glasi: „SJEDIŠTE“.

Član 15.

Član 58. mijenja se i glasi: „Sjedište SUNSA je u prostorijama Mašinskog fakulteta, Vilsonovo šetalište 9, Sarajevo. Rad organa Sindikata opsluživati će Stručna služba SUNSA kada se steknu uvjeti za to.“



Član 16.

Briše se član 59. Statuta.

Član 17.

Član 60. mijenja se i glasi: „Imovinom Sindikata upravlja Centralni odbor.“.

Član 18.

Član 61. Statuta se briše.

Član 19.

Član 64. mijenja se i glasi: „SUNSA prestaje sa radom u skladu sa zakonom ili dvotrećinskom odlukom Skupštine. U slučaju prestanka rada imovina SUNSA se dijeli prema doprinosu pojedinih sindikalnih organizacija fakulteta i akademija.“.


Član 20.

U poglavlju XII - PRELAZNE I ZAVRŠNE ODREDBE, članovi 65. i 66. se brišu iz Statuta.

Član 21.

Ova Odluka stupa na snagu danom donošenja, a primjenjivat će se od dana upisa promjena u Registar udruženja koji se vodi kod Ministarstva pravde i uprave Kantona Sarajevo i predstavljat će sastavni dio Statuta Sindikata Univerziteta u Sarajevu, broj: 03-05-05-18570/06 od 27.12.2016. godine.

Predsjednik Skupštine Sindikata Univerziteta u Sarajevu



V. prof. dr. Amir Zahirović